



2025
GODIŠNJI
IZVJEŠTAJ

SADRŽAJ

SAŽETAK	3
PROJEKAT: Quality and Innovative Journalism Support to Media Freedom and Pluralism in the Western, "Support to Media Freedom and Pluralism in the WB"	4
PROJEKAT: Sva djeca imaju pravo na zdrav život – vakcinacija danas!	5
PROJEKAT: Fond za žene	6
PROJEKAT: Jačanje ravnopravnosti spolova na tržištu rada	7
PROJEKAT: Međusektorsko partnerstvo za ljudska prava i rodnu ravnopravnost na tržištu rada	10
PROJEKAT: Regionalni izvještaj „Koliko zemlje Zapadnog Balkana štite zviždače“/ Regionalna konferencija "Zaštita zviždača u jugoistočnoj Evropi: Najbolje što možemo"	12
PROJEKAT: FiF – "Fakt I fejk"	14
PROJEKAT: TK: Mapa fantomskih projekata	17

SAŽETAK

Fondacija INFOHOUSE je tokom 2025. godine nastavila raditi na projektima i aktivnostima koje promoviraju ljudska prava i njihovu implementaciju na svim nivoima države i društva, a u skladu sa svojim programskim ciljevima.

I u 2025. godini bili smo snažna i kontinuirana podrška ženama žrtvama nasilja na području cijele Bosne i Hercegovine u postizanju ekonomske nezavisnosti, kao ključnog elementa borbe protiv porodičnog nasilja.

Uprkos svim izazovima možemo reći da smo nastavili u smjeru onoga čime smo se i do sada bavili: razotkrivanje slučajeva korupcije i promocijom borbe protiv korupcije kroz istraživačke tekstove na našem portalu Interview.ba, rada sa mladima, štitali i promovisali prava žena, radili na temi imunizacije djece, te bili podrška državnim institucijama u smjeru ispitivanja zadovoljstva njihovih korisnika kako bi unaprijedile svoj rad ka transparentnijem i odgovornijem. Ponosni smo na činjenicu da je kroz naš rad tokom 2025. godine, bilo uključeno oko 4000 ljudi.

Svi naši rezultati kroz implementirane aktivnosti, bez obzira na naš uloženi napor i trud, ne bi bili mogući bez ogromne podrške donatora i ostalih partnerskih organizacija, stoga se zahvaljujemo svima koji su izabrali Fondaciju INFOHOUSE kao partnera za društvene promjene. Ono što možemo obećati jeste da ćemo nastaviti borbu za ljudska prava, za informaciju kao kisik demokratije, za bolji i jednakiji položaj svih nas u bosanskohercegovačkom društvu!

Fondacija INFOHOUSE posvećena je jačanju organizacija civilnog društva koje promoviraju zaštitu ljudskih prava, te svojim djelovanjem nastoji uticati na pozitivne demokratske promjene u Bosni i Hercegovini:

- Aktivan rad na izradi projekata i programa, te upravljanja fondovima koji doprinose boljem razumjevanju, zagovaranju i promociji ljudskih prava, naročito prava žena i mladih
- Razvijanje i učvršćivanje veza između svih vrsta i tipova organizacija civilnog društva, institucija i privrednih subjekata zemlji i svijetu radi promocije demokratskih vrijednosti i jačanja uloge civilnog društva
- Zalaganje za bavljenje svim naučnim, stručnim, tehničkim i administrativnim vrstama pitanja vezanih za slobodan razvoj društva, te slobodan i neometan pristup informacijama neophodnih za razvoj društva, a u skladu sa Ustavom BiH
- Antikorupcijske inicijative, naročito kroz promociju i zaštitu prijavitelja korupcije kao i istraživačke tekstove na portalu Interview.ba
- Radionice i treninzi medijske pismenosti za učenike i mlade

PROJEKAT: Quality and Innovative Journalism Support to Media Freedom and Pluralism in the Western, "Support to Media Freedom and Pluralism in the WB"

DONATOR: GIZ-Deutsche Gesellschaft für Internationale Zusammenarbeit GmbH

TRAJANJE: 10.09.2024. do 10.03.2025. godine

Fondacija INFOHOUSE sa portalom Interview.ba bila je jedna od partnerskih organizacija u okviru regionalnog #SustainMedia programa koji provodi GIZ sa partnerima - DW Akademie i Internews, a koji finansiraju Europska unija i njemačko Savezno ministarstvo za ekonomsku saradnju i razvoj, sa projektom pod nazivom „Unaprijeđeno novinarstvo zasnovano na dokazima za nezavisne medije“.

Cilj ovog projekta bio je razvoj novinarskih kapaciteta, formi izvještavanja, usmjerenih na proširenje čitateljske publike, odnosno utjecaja portala putem sporskog sadržaja.

Nova kategorija Sport, u kojoj su redovno objavljeni najvažniji sportski događaji, ističani sportski uspjesi domaćih, ali i međunarodnih vrhunskih sportista doprinijeli su većoj čitanosti, izazvali reakcije i povećali uticaj portala.

Novi podcast o sportu pokazala se kao uspješna inovativna poslovna strategija za naš portal kako bi se osigurao kontinuirani rast portala i put ka održivosti.

Osim atraktivnosti samih sportova, mnogo je razloga zašto su sportske priče odličan i atraktivan format za publiku, ali i za umrežavanje novinara iz cijelog svijeta. Kreirali smo novu rubriku/podkategoriju na portalu Intervju.ba, kreirali nove podcaste, koji su za sugovornike imali uspješne ne samo sportiste nego i sportske radnike, odnosno sportske novinare, koji su svojim djelovanjem i kroz karijere ostavili neizbrisivi trag u bh. novinarstvu, posebno kad je sport u pitanju.

Broj priča o sportu za šest mjeseci više je od 40, a 6 podcasta prepoznatljivog naziva "Više od igre" doprinio je povećanom broju korisnika portala i njihovom angažmanu, što je u konačnici rezultiralo jačanju kapaciteta i postavljanju temelja za budući održiv rad ove kategorije.

Link na tekst:

<https://interview.ba/2025/03/04/po-meni-se-nista-nece-zvati-niti-jedan-sportski-objekat-klub-dvorana-ne-nosi-ime-uspjesne-sportasice/>

<https://interview.ba/2025/01/30/neravnopravnost-u-sporu-muskarci-i-politika-trude-se-dazanemare-i-postignuca-i-zene/>

<https://interview.ba/2024/12/04/zimski-sportovi-ne-stanuju-ovdje-olimpijski-duh-nad-sarajevom/>

Link na podcast:

https://www.youtube.com/watch?v=B_8ZMxZSUcw&t=608s

<https://www.youtube.com/watch?v=6MEj2KDPO7I&t=754s>

https://www.youtube.com/watch?v=B_8ZMxZSUcw

PROJEKAT: Sva djeca imaju pravo na zdrav život – vakcinacija danas!

PARTNERI: UNICEF BIH i Evropska unija u Bosni i Hercegovini

TRAJANJE: 09.08.2024. - 08.03.2025.

“Sva djeca zaslužuju siguran život-Vakcina danas!” projekat je koji je Ured dječijeg fonda Ujedinjenih nacija za Bosnu i Hercegovinu (UNICEF BiH) sa svojim partnerima, Zavodom za javno zdravstvo Tuzlanskog kantona, Institutom za javno zdravstvo Republike Srpske i Fondacijom INFOHOUSE proveo u periodu avgust 2025-april 2025,uz finansijsku podršku Evropske unije.

Cilj projekta je bilo jačanje i unapređenje procesa redovne imunizacije na području Tuzlanskog kantona i Regije Bijeljina, kao i u njihovim ruralnim i urbanim područjima.



Vođen UNICEF-om, program je integrirao najbolje prakse i tehničku stručnost u povećanju potražnje za vakcinama. Kroz smjernice UNICEF-a o angažmanu zajednice, program je osnažio lokalne zajednice da aktivno učestvuju u zagovaranju i podršci imunizaciji.

Aktivnosti su primarno bile usmjerene na podizanje svijesti o prednostima vakcinacije kroz rad s pogođenim stanovništvom, zdravstvenim radnicima i medijima, kako bi se povećao postotak vakcinisane djece i spriječila pojava epidemija:

- Radionice sa zdravstvenim radnicima;
- Radionice sa roditeljima;
- Male intervencije u zajednici (intervencije zdravstvenih radnika na terenu u ruralnim područjima; radionice sa roditeljima, SMS poruke);
- Komunikacija sa vjerskim zajednicama i zdravstvenim radnicima – analiza podataka i povratne informacije;
- Javna i medijska promocija tokom projekta (medijski izvještaji, objave, videozapisi).

PROJEKAT: Fond za žene

PARTNER: Japan Tobacco International AD Senta

TRAJANJE: 01.08.2024. - 28.02.2025.

PROJEKAT: Ekonomsko osnaživanje žena iz ranjivih i marginalizovanih grupa u BiH

“Fond za žene” Fondacije INFOHOUSE predstavlja inicijativu usmjerenu na ekonomsko osnaživanje žena u Bosni i Hercegovini, posebno onih koje dolaze iz marginalizovanih grupa.

Sredstva iz Fonda su bila namjenjena za:

- Podršku ženama u pokretanju ili širenju malih biznisa;
- Organizaciju edukativnih radionica i stručnih obuka;
- Nabavku opreme za zanatske i proizvodne djelatnosti;
- Kreiranje inicijativa koje potiču zapošljavanje i samozapošljavanje žena.



U periodu septembar 2024. – mart 2025 godini, uz podršku donatora JT INTERNATIONAL AD SENTA direktno smo podržali više od 130 žena iz ranjivih kategorija stanovništva kroz slijedeće projekte:

1. Udruženje žena “Procvat Podrinja”; (Bratunac) – 5,500 KM

- Podrška ženama povratnicama kroz pokretanje obrta za dubinsko čišćenje i nabavku mašina za održavanje voćnjaka.

2. Udruženje žena “NERA”; (Konjic) – 4,400 KM (naknadno izabrano udruženje u cilju pomoći poplavljenim područjima a po odobrenju donatora)

- Osnaživanje žena sa poplavljenih sela kroz nabavku mehanizacije za obradu zemlje i proizvodnju voćnih proizvoda.

3. Udruženje žena “Plane”; Makljenovac (Doboj) – 6,500 KM

- Nabavka mini linije za preradu voća dostupne za 30 žena iz zajednice.

4. Fondacija “Lara”; (Bijeljina) – 5,800 KM

- Edukacija žena iz sigurnih kuća za rad na CNC mašinama i proizvodnju suvenira.

5. Udruženje žena “Srce i duša”; (Lukavac) – 5,792 KM

- Edukacija 30 žena o razvoju biznisa, aktivnom traženju posla i tradicionalnim ručnim radovima.

6. Udruženje građana “Budućnost; (Modriča) – 5,800 KM

- Radna terapija i edukacija žena žrtava nasilja u sigurnoj kući kroz šivenje i dekupaž tehnike.

7. Udruženje žena Romkinja “Bolja budućnost”; (Tuzla) – 2,000 KM

- Podrška Romkinjama u pokretanju kozmetičkih i frizerskih usluga u lokalnoj zajednici.

“Fond za žene” pokazao se kao izuzetno važan alat za ekonomsko osnaživanje žena u BiH. Odabrani projekti donijeli su značajne promjene na terenu, omogućavajući ženama da ostvare ekonomski prosperitet i postanu aktivne učesnice tržišta rada. Nastavak ove inicijative u budućnosti osiguraće dodatne prilike za žene za gradnju boljeg i stabilnijeg poslovnog okruženja. Pogledajte kratki video <https://www.youtube.com/watch?v=spEQukLupiU>

PROJEKAT: Jačanje ravnopravnosti spolova na tržištu rada

PARTNER: Canada Fund for Local Initiatives (CFLI)

Trajanje: 01.09.2024. - 28.02.2025.

UVOD

Projekat "Jačanje ravnopravnosti spolova na tržištu rada", koji realizuje Fondacija INFOHOUSE uz podršku Kanadskog fonda za lokalne inicijative (CFLI), imao je za cilj smanjenje diskriminacije i rodne neravnoteže na tržištu rada u Bosni i Hercegovini. Žene u ovoj zemlji suočavaju se s direktnom diskriminacijom na radnim mjestima, a nedostatak institucionalne podrške i zaštite dodatno pogoršava njihov položaj. S obzirom na vrlo nisku svijest kompanija o rizicima negativnog utjecaja na ljudska prava, kao i nedovoljno poznavanje i primjenu ljudskih prava u praksi, ovaj projekat ima ključnu ulogu u podizanju svijesti i stvaranju promjena u radnim sredinama.

CILJEVI I PLANIRANE AKTIVNOSTI

Cilj projekta bio je smanjenje diskriminacije prema ženama i djevojkama na tržištu rada, te promovisanje jednakih mogućnosti za sve zaposlene, bez obzira na spol. Aktivnosti koje su bile planirane u okviru projekta obuhvatile su nekoliko ključnih koraka:

Selekcija javnih i privatnih kompanija za učešće u projektu

Projekat je započeo selekcijom pet kompanija s više od 50 zaposlenih koje su se prijavile za učešće u inicijativi. Na osnovu javnog poziva, izabrano je šest kompanija koje su ispunjavale tehničke i administrativne kriterije, te su prihvatile da budu dio ovog značajnog projekta.

Objava javnog poziva

Za učešće u projektu objavljen je javni poziv, uz prateću dokumentaciju koja je uključivala izjavu o saglasnosti za učešće, te formular za prijavu putem Google Forms platforme. Javni poziv bio je otvoren do 6. novembra 2024. godine.

Ocjena i selekcija aplikacija

Nakon administrativne obrade, zaprimljeno je šest prijava, od kojih su sve zadovoljavale tehničke kriterije. Kompanije koje su se prijavile dolaze iz različitih sektora, uključujući javne institucije i privatne kompanije. Nakon detaljne evaluacije aplikacija, odlučeno je da svih šest prijavljenih kompanija bude uključeno u projekt.

Procjena potreba među odabranim kompanijama na prevenciji nasilja zasnovanog na spolu i zlostavljanja na radnom mjestu

Nakon što su odabrane kompanije za učešće u projektu, Fondacija INFOHOUSE je sprovela procjenu potreba za integraciju politika rodne ravnopravnosti u radnim okruženjima. Ova procjena bila je ključna za razumijevanje trenutnog stanja u kompanijama i identifikaciju konkretnih područja na kojima je potrebno djelovati kako bi se unaprijedila ravnopravnost spolova.

Potpisivanje memoranduma o saradnji

Za sve odabrane kompanije, potpisani su memorandumi o saradnji, čime su se obavezale na implementaciju mjera koje će poboljšati ravnopravnost spolova u svojim organizacijama. Ovaj korak je označio formalni početak njihove aktivne uključenosti u projekte koji imaju za cilj smanjenje diskriminacije i unapređenje ženskih prava u radnom okruženju.

Transformativne politike za prevenciju rodno zasnovanog nasilja na radnom mjestu

Jedan od ključnih ciljeva ovog projekta bio je razviti transformativne politike koje će omogućiti prevenciju nasilja zasnovanog na spolu i zlostavljanja na radnom mjestu. Ove politike su ključne za stvaranje radnih uslova u kojima su žene zaštićene od svih oblika diskriminacije i nasilja.

Razvoj i implementacija integrativnih i transformativnih akcija (Politike, protokoli, mehanizmi i planovi djelovanja rodne ravnopravnosti) u šest kompanija

Kroz ovaj segment projekta, Fondacija INFOHOUSE je pomogla šest odabranih kompanija u razvoju i implementaciji specifičnih politika i mehanizama za promociju rodne ravnopravnosti na radnim mjestima. Ove akcije su osmišljene kako bi se smanjila diskriminacija i zlostavljanje žena na radnim mjestima, stvarajući sigurno i pravedno radno okruženje.

RAZVIJENI DOKUMENTI ZA PREVENCIJU NASILJA NA RADNOM MJESTU

Za dvije kompanije (Grad Mostar i Centar za porodično savjetovanje) razvijen je dokument pod nazivom Smjernice za implementaciju efikasnih mjera za prevenciju i zaštitu od rodno zasnovanog i seksualnog zlostavljanja na radnom mjestu. Ovaj dokument je zasnovan na Zakonu o ravnopravnosti spolova u Bosni i Hercegovini i usklađen s međunarodnim regulativama. Dokument naglašava odgovornost poslodavaca da poduzmu mjere za prevenciju nasilja i diskriminacije te da štite zaposlene od bilo kakvih negativnih posljedica zbog prijava o zlostavljanju.

IZRADA DEKLARACIJE O RODNOJ RAVNOPRAVNOSTI

Za četiri preostale kompanije (JU Srednja medicinska škola Zenica, JU Politehnička škola Mostar, Mikroelektronika, MiRA Prijedor) razvijena je Deklaracija o rodnoj ravnopravnosti. Deklaracija je temeljena na pravnim okvirima EU, uključujući Direktivu 2019/1158/EU o ravnoteži između privatnog života i rada za roditelje i staratelje te Direktivu 2000/78/EC koja se odnosi na ravnopravan tretman na radnom mjestu. Ova deklaracija ne samo da ispunjava zakonske obaveze, već doprinosi i jačanju društvene odgovornosti kompanija.

TRI OBUKE NA TEMU "UNAPREĐENJE RODNE RAVNOPRAVNOSTI NA TRŽIŠTU RADA"

Tri obuke su održane, a prisustvovalo je 14 žena iz šest kompanija. Obuke su obuhvatile tri modula vođena od strane stručnjaka, koji su se bavili usklađenošću sa obavezama rodne ravnopravnosti i zaštitom od diskriminacije u upravljanju radnim mjestima, u skladu sa nacionalnim zakonima i međunarodnim standardima. Polaznice su bile na vodećim pozicijama, što znači da će 1.174 zaposlenih (437 muškaraca i 737 žena) u ovim šest kompanija indirektno imati koristi od rezultata obuke.

Održana radna konferencija: "Rodne nejednakosti na tržištu rada – socijalno ili žensko pitanje?" Konferencija je sadržavala tri sesije i okupila 55 učesnika (45 žena i 10 muškaraca).

Održana javna diskusija: "Kako unaprijediti prava žena na radu u Bosni i Hercegovini – najbolje prakse" Diskusiji je prisustvovalo 26 učesnika, od kojih su 24 bile žene i 2 muškarca.

REZULTATI I UTICAJ

Projekat je postigao značajan uspjeh u postizanju svojih ciljeva. Osim što je osigurao konkretne promjene u šest odabranih kompanija, projekt je stvorio i širu osnovu za dugoročne promjene u pristupu ravnopravnosti spolova na tržištu rada u Bosni i Hercegovini. Kompanije koje su učestvovalе u projektu postale su aktivni promotori ljudskih prava, te su se obavezale da će nastaviti primjenjivati najbolje prakse koje su naučile kroz ovaj projekat.

Memorandumi o saradnji, koji su potpisani sa šest kompanija, simboliziraju prvi korak u usmjeravanju organizacija ka implementaciji rodne ravnopravnosti u radnim politikama. U narednim mjesecima, očekuje se dalji rad na izgradnji odgovornosti i svijesti unutar ovih kompanija.

PROJEKAT: Međusektorsko partnerstvo za ljudska prava i rodnu ravnopravnost na tržištu rada

DONATOR: DELEGACIJA EVROPSKE UNIJE U BIH
TRAJANJE: 01.02.2023. - 31.07.2025.

Projekt "Međusektorsko partnerstvo za ljudska prava i ravnopravnost spolova na tržištu rada" finansiran od strane Evropske unije i uz parterstvo Fondacije "Lara" iz Bijeljine pružio je direktnu podršku za više od 4000 zaposlenih.



Projekt je inicirao i podržao implementaciju unapređenja procesa ljudskih prava u 15 kompanija u BiH i doprinio ravnopravnosti spolova na radu u praksi – što je 50% više poslovnih kompanija nego što je prvobitno planirano:

1. Zavod za zapošljavanje Brčko Distrikta
2. Međunarodni aerodrom "SARAJEVO"; d.o.o. Sarajevo
3. GS-Tvornica mašina Travnik d.o.o.
4. Kantonalna javna ustanova za zaštićena prirodna područja Sarajevo
5. Srednjoškolski centar Hadžići
6. Telemach BiH d.o.o.
7. AD "Vodovod i kanalizacija"; Bijeljina
8. "Sport Vision"; d.o.o. Bijeljina
9. Dom zdravlja Šamac
10. Osnovna škola "Dositej Obradović" Dobož
11. Lukavac Cement
12. Solana Tuzla
13. Srednja građevinska škola Mostar
14. KJP Sarajevske šume
15. Federalni zavod za poljoprivredu, Sarajevo

Kroz ovu akciju, podnesene su 4 inicijative za unapređenje ravnopravnosti spolova na tržištu rada:

1. Inicijativa za integraciju rodne perspektive u Zakon o javnim nabavkama BiH.

Inicijativa se odnosi na predlaganje amandmana na Zakon o javnim nabavkama i/ili integraciju predloženih promena u Nacrt Zakona o javnim nabavkama, koji je u fazi konsultacija s zainteresovanim stranama, u skladu sa EU Direktivama 2014/24, 2014/25, 2009/81, 2007/66. Inicijativa je podnesena u junu 2025. Agenciji za javne nabavke, Komisiji za ravnopravnost spolova Parlamentarne skupštine BiH i Agenciji za ravnopravnost spolova BiH, nakon čega je organizovan sastanak za zagovaranje s gđom Miom Karamehić Abazović, državnom predstavnicom i prvom zamenicom predsednika Komisije za ravnopravnost spolova Parlamentarne skupštine BiH, i g. Tarikom Rahićem, direktorom Državne agencije za javne nabavke.

2. Inicijativa Poslovnom uredu Brčko Distrikta da prepozna žene žrtve nasilja kao posebnu kategoriju teško zapošljivih osoba.

Poslovni ured Brčko Distrikta usvojio je predloženu inicijativu tokom septembra 2024.

3. Inicijativa za unapređenje pravilnika Agencije za ravnopravnost spolova BiH.

Inicijativa za donošenje pravilnika o integraciji Zakona o ravnopravnosti spolova unutar politika i mehanizama privatnih i javnih firmi dostavljena je Agenciji za ravnopravnost spolova BiH koja je potvrdila svoju spremnost da razmotri unapređenje pravilnika.

4. Amandman na Zakon o radu FBiH.

Nakon izrade amandmana za unapređenje Zakona o radu FBiH koji se naročito tiču privatno-poslovnog balansa kao i porodijskog odsustva od strane organizacije SOC Sarajevo, Fondacija INFOHOUSE je podržala amandmane te je istu inicijativu dostavila nadležnom Ministarstvu rada FBiH.

Tokom projekta uspješno smo surađivali i sa 26 nevladinih organizacija:

Vanjskotrgovinska komora BiH, Privredna komora FBiH, Privredna komora ZDK, Privredna komora TK, Privredna komora Kantona Sarajevo, Privredna komora BD, Savez samostalnih sindikata BiH, Savez sindikata RS, Sindikat BH pošte, Sindikat radnika trgovine BiH, Samostalni sindikat radnika u finansijskim organizacijama BiH, Udruženje žena "Napravi Razliku", Udruženje žena Romkinja Bolja Budućnost iz Tuzle, UREM Siguran Korak, Bijeljina, Centar ženskih prava, Zenica, Sarajevski Otvoreni Centar, Fondacija CURE, Fondacija za osnaživanje žena, Inicijativa građanki i građana Mostar, NERA Konjic, UG Budućnost Modriča, Forum žena Bratunac, Udruženje žena Maja Kravica, Helsinški parlament Banja Luka, Udruženje žena Most, Privredna komora USK.

PROJEKAT: Regionalni izvještaj “Koliko zemlje Zapadnog Balkana štite zviždače”

DONATOR: CENTER FOR THE STUDY OF DEMOCRACY AND GOVERNANCE

(CENTAR ZA PROUČAVANJE DEMOKRATIJE I UPRAVLJANJA)


NED 2023-0532 Recipient for Regional Reports on Protection of Whistle blowers

(BiH, Croatia, Montenegro and Serbia chapter)

TRAJANJE: od 04.06.2025. do 31.10.2025.

Kao dugogodišnja i aktivna članica Koalicije za zaštitu zviždača u jugoistočnoj Evropi (SEEC-WP) Fondacija INFOHOUSE odigrala je značajnu ulogu u kreiranju Regionalnog izvještaja za zemlje Zapadnog Balkana koji se odnosi na zaštitu zviždača.

Ključni zadatak je bio najprije kreirati i predstaviti izvještaj za Bosnu i Hercegovinu, koji je pokazao da je uloga uzbunjivača danas važnija nego ikada, a očekivanja javnosti da će se političari i kompanije ponašati pošteno i odgovorno stalno rastu.



Upravo sa ovim rastućim očekivanjima, zviždanje je postalo moćno i sve popularnije sredstvo za građane da razotkriju korupciju koja šteti javnom interesu.

Izvještaj je osim relevantnih podataka iz institucija države Bosne i Hercegovine i nevladinog sektora temeljen i na izjavama najrelevantnijih sugovornika iz ove oblasti, okupljenih u fokus grupe - institucije, nevladin sektor, mediji.

Regionalni izvještaj za zemlje Zapadnog Balkana pokazao je da je ključni zadatak osigurati da sistemi zaduženi za zaštitu rade efikasno i brzo.

U projektu pod nazivom „Ispunjavanje obećanja zviždačima – odbrana i prava građana i suzbijanje korupcije „ sudjelovale su nevladine organizacije iz šest zemalja Zapadnoga Balkana. Njihov cilj nije bio samo ustanoviti status i prava zviždača, već i uskladiti politike zemalja kandidata i potencijalnih kandidata za članstvo sa pravilima Europske unije o zaštiti uzbunjivača.

PROJEKAT: Regionalna konferencija “Zaštita zviždača u jugoistočnoj Evropi: Najbolje što možemo”

“Zaštita zviždača u jugoistočnoj Evropi: Najbolje što možemo” bio je naziv Regionalne konferencije koju je organizirala Koalicija za zaštitu zviždača u jugoistočnoj Evropi (SEEC-WP), u saradnji s Regionalnom inicijativom za borbu protiv korupcije (RAI), kao ključni događaj u Sarajevu u oktobru 2025.



Fondacija INFOHOUSE imala je važan zadatak - sudjelovati u predstavljanju najnovijeg regionalnog izvještaja, koji je pokazao da borba protiv korupcije ostaje ključni izazov u jugoistočnoj Evropi (JIE), gdje njeni razorni efekti podrivaju demokratske vrijednosti, povjerenje javnosti i ekonomski napredak.

Naša borba za pravednije društvo s nultom stopom prema korupciji, pokazala se i kroz ovaj izvještaj, koji je naglasio da su zemlje u regionu uvele zakone i mehanizme namijenjene zaštiti zviždača i da su brojni slučajevi pokazali njihovu ključnu ulogu u razotkrivanju korupcije i jačanju odgovornosti.

Ipak, postojeći sistemi često su opterećeni neefikasnošću, sporim sudskim postupcima i nedostatkom dosljedne primjene zakona, a zviždači u BiH se radije obraćaju nevladinim organizacijama i medijima, nego institucijama.

Fondacija INFOHOUSE osim izvještaja o Bosni i Hercegovini, koautor je izvještaja i o statusu zviždača i u Srbiji, Crnoj Gori i Hrvatskoj, što je pokazalo kredibilitet i povjerenje koje uživa unutar Koalicije za zaštitu zviždača u jugoistočnoj Evropi.

PROJEKAT: FiF – “Fakt i fejk”

DONATOR: Fondacija Adriatic Vareš

Dženana Alađuz/Senka Kurt

TRAJANJE: od 16.10.2025. do 31.12.2025. godine

Fondacija INFOHOUSE realizirala je edukativni edukativnog programa “FiF – Fakt i Fejk” namijenjen djeci i mladima (viši razredi osnovne škole i prvi i drugi razred srednje škole) u Brezi, Varešu i Kaknju.

Kroz interaktivne sesije savladavali smo i unaprijeđivali medijsku pismenost kod učenika, razvijali njihove vještine kritičkog i sigurnog promišljanja te praktično upotrijebili internet i društvene mreže za volonterske akcije u zajednici.

Iskusni predavači su navođenjem problema, akcijama, primjerima i vježbama prepoznavanja lažnih vijesti, spinova, dezinformacija, manipulacija objasnili kako spinovana vijest funkcionira, momenta kad “sto puta izgovorena laž postaje istina”, demistificirali vijesti, otvoreno sa mladima razgovarali o nivoima medijske pismenosti i zašto je ona važna.

Važna su pitanja bila o medijima, kako funkcioniraju, zašto su bitni, ko ih osniva, zašto, kome služe, a kome bi trebali služiti, ko ih posjeduje, kontrolira, o “korisnim i štetnim” medijskim sadržajima, o novim tehnologijama, kako korisnici, u ovom slučaju mladi mogu utjecati na formiranje javnog mnijenja i stavova. Učili smo kako mediji mogu utjecati na svakodnevni život i odvesti nas u oba smjera – učiniti gorim, ali i kvalitetnijim.

Edukativni program kulminirao je zajednički osmišljenim volonterskim online i offline akcijama.

Po dvije radionice održane su za učenike viših razreda osnovnih škola i prvog i drugog razreda srednjih škola u Brezi, Varešu i Kaknju.

Cilj radionica bio je unapređenje medijske pismenosti učenika, razvoj vještina kritičkog i sigurnog promišljanja, jačanje otpornosti na dezinformacije, lažne vijesti i medijske manipulacije, te poticanje odgovorne i svrsishodne upotrebe interneta i društvenih mreža.

Tokom radionica obuku o jačanju medijske pismenosti i otpornosti na medijske manipulacije prošlo je više od stotinu učenika i učenica ova tri grada Zeničko dobojskog kantona.

Radionice medijske pismenosti „Fakt i fejk“ uspješno su realizirane i ispunile su planirane ciljeve. Učenici su kroz interaktivne aktivnosti unaprijedili znanja o medijima, razvili kritičko razmišljanje i stekli praktične vještine za prepoznavanje dezinformacija, lažnih vijesti i medijskih manipulacija.

Poseban značaj radionica ogleda se u aktivnom učešću učenika, njihovoj motivaciji za diskusiju i spremnosti da stečena znanja primjenjuju u svakodnevnom korištenju interneta i društvenih mreža.

Saradnja sa školama i podrška partnerskih institucija doprinijeli su kvalitetnoj realizaciji programa.

Treća radionica projekta odnosila se na „Online i offline volonterizam i aktivizam“, gdje je isticano jačanje svijesti mladih o značaju medijske pismenosti, volonterizma i aktivnog građanskog angažmana, kao i razvijanje kritičkog mišljenja, timskog rada i društvene odgovornosti među učenicima.

Tokom radionice učenici su kroz praktične zadatke i diskusije razvijali kritičko mišljenje, timski rad i osjećaj društvene odgovornosti. Radionica je zaključena sumiranjem dosadašnjih rezultata projekta i naglaskom na značaj kontinuiranog uključivanja mladih u pozitivne društvene promjene.

Učenici su tokom radionice promišljali prioritetne probleme u svojoj lokalnoj zajednici i kreirali planove volonterskih akcija u svojoj lokalnoj zajednici.

Radionice su omogućile mladima sticanje praktičnih znanja i vještina, razvijanje aktivnog građanskog angažmana i volonterskog duha, a lokalne zajednice su prepoznale i podržale njihov angažman.

Vareš

Održana je volonterska akcija "Sportsko jutro u Varešu" s ciljem motivacije mladih, starijih i sportskih radnika da više promišljaju o važnosti sporta, zdravlja, prehrane i svakodnevnog aktivnog života.

Akcija je takođe pružila dodatne mogućnosti svima da se aktivno bave sportom i zajednički doprinesu unapređenju lokalne zajednice.

Učesnici su kroz praktične aktivnosti i druženje promovisali zdrav način života i aktivno učešće u sportskim aktivnostima, istovremeno jačajući osjećaj zajedništva i solidarnosti u lokalnoj zajednici.



Kakanj

Hoću da mi je čisto, poručili su učenici i učenice tokom volonterske akcije „Za čistu okolinu“, koju su s nastavnicima i profesorima proveli u Kakanju.

Da bi nam bilo bolje, moramo mi biti bolji, napisali su na lecima koje su, uz rukavice, kese za smeće dijelili svojim sugrađanima.

Nakon ove planirane su nove volonterske akcije.



Breza

Pod nazivom **“Uspori – pješački prelaz nije ukras”**, učenici i mladi iz breze su tokom volonterske akcije istakli problem sigurnosti u saobraćaju.

U Brezi je tokom volonterske akcije istaknut problem sigurnosti u saobraćaju, tokom koje su učenici i mladi svoje sugrađane upoznali ne samo sa problemima kad je sigurnost u pitanju, već ih i pozvali da njihovo pješačko pravo bude ispred vozila i poručili im da uspore.

Dijelili su letke, postavljali plakate po gradu, na kojima je istaknuta važnost poštivanja pravila u saobraćaju, a reklama na led panelu u gradu podsjetila je sve Brezane i Brezanke, vozačice i vozače da obrate pažnju na poruke mlađih generacija.

Tokom trajanja projekta izuzetna je bila medijska vidljivost na FB kanalima Fondacije Infohouse, te portalima Interview.ba, ali i na FB kanalima sudionika samog projekta.

Ukupno je objavljeno 55 objava na portalima Interview.ba i Kids info, te još 14 na fb profilima drugih sudionika projekta.



PROJEKAT: „TK: Mapa fantomskih projekata“

DONATOR: Balkanska istraživačka mreža Bosne i Hercegovine (BIRN BiH).
("Platforma odgovornosti" uz finansijsku podršku Evropska unija).

Senka Kurt

TRAJANJE: od 01.11.2025. do 30.04.2026. godine

Fondacija INFOHOUSE Sarajevo sa portalom Interview.ba od decembra 2025. do aprila 2026. bit će dio projekta "Platforma Odgovorno.st".

Riječ je o platformi koja je zajednički projekat koji su 2024. godine pokrenuli Transparency International u BiH (TI BiH), Balkanska istraživačka mreža BiH (BIRN BiH) i Udruženje građana "Zašto ne".

Projekat ima za cilj unaprijediti odgovornost i transparentnost nosilaca javnih funkcija, državnih institucija i političkih stranaka u Bosni i Hercegovini. Omogućava javnosti uvid u informacije o javnoj potrošnji, ispunjenju obećanja, podršci antikorupcijskim reformama, stepenu otvorenosti institucija, finansijskoj odgovornosti, kao i eventualnim nepravilnostima.



U sklopu ovog projekta Fondacija INFOHOUSE i portal Interview.ba realizirat će interaktivnu mapu „TK: Mapa fantomskih projekata“, te objaviti originalne tekstove i već objavljene tekstove u bh. medijima, o započetim, ali ne i završenim infrastrukturnim projektima finansiranim javnim sredstvima na poručju TK.

Cilj je unaprijediti transparentnost i odgovornost nadležnih institucija u planiranju i realizaciji javnih infrastrukturnih projekata na području Tuzlanskog kantona, posebno onih koji nikada nisu realizovani ili su prekinuti tokom izgradnje.

Interaktivna virtualna mapa omogućit će sistematsko praćenje statusa projekata i jačanje nadzora civilnog društva kako bi građani dobili jasan pregled projekata u svom okruženju, dok će mediji i istraživači moći koristiti mapu i tekstove za analizu i praćenje, što doprinosi boljem informisanju javnosti i transparentnijem radu vlasti.

Projekt razvija trajni kapacitet o istraživačkom novinarstvu i nadzoru javnih investicija, što omogućava kontinuirani monitoring javnih projekata i nakon završetka finansiranja. Ažuriranje baze podataka, periodično praćenje i izrada izvještaja osiguravaju dugoročnu relevantnost i dostupnost informacija. Korištenje otvorenih digitalnih platformi i standardiziranih procedura osigurava da rezultati projekta ostanu dostupni i održivi, doprinoseći jačanju građanskog nadzora i odgovornijem upravljanju javnim sredstvima u Tuzlanskom kantonu.

Podsjećamo, u Tuzlanskom kantonu, veliki broj lokalnih, infrastrukturnih projekata (putevi, vodovodi, kanalizacija, elektroopskrba)... ostaju nedovršeni, odgođeni ili realizovani djelimično. Raspodjela, korištenje i nadzor sredstava, koja iznose desetine i stotine miliona KM, nisu transparentni, a informacije o statusu projekata raspršene su po lokalnim izvorima bez jedinstvenog pregleda. Posljedica su brojni „fantomski projekti“ čiji se trag gubi u složenim administrativnim, imovinsko-pravnim i političkim procesima.

Problem pogoršavaju ograničeni kapaciteti lokalnih administracija, promjene političkih prioriteta, te nedovoljna uključenost građana i medija u nadzor javne potrošnje.

Predizborna obećanja o „razvojnim“ projektima često ostaju na nivou retorike, dok implementacija izostaje. Ovo direktno utiče na povjerenje građana u institucije, ali i na kvalitet života u lokalnim zajednicama. **Nedovršeni projekti** znače lošiju infrastrukturu, ograničen javnim uslugama.